

國史館藏

清代傳記叢書



明文書局印行

清代傳記叢刊・綜錄類⑦
周駿富輯

國朝耆獻類徵初編(十八)

卷七
卷八
四至
二

(清)李桓輯



明文書局印行

國朝耆獻類徵初編卷七十四目錄

卿貳三十四

張廷璐

弟廷琛
從子若淳

若淮

陳樹萱

弟樹著

崔應階

赫赫

程元章

王蘭生

畱保

補錄

完顏和

國朝耆獻類徵初編卷七十四

通奉大夫前署江西巡撫江西布政使司布政使湘陰李桓輯

卿貳三十四

張廷璐 弟廷球 從子若淳 若湛

乾隆甲子春禮部左侍郎桐城張公陳情乞休舉賢自代至是凡三拜疏矣 上鑒其誠懇允所請時公卿大夫祖道都門外數里不絕故鄉親舊宗黨父老子弟走迎數十里外朝野交羨謂公之考文端公 予告歸田後於今再見不數疏傳之於漢廷也明年夏公配姚夫人卒秋公相繼薨時聞公喪者無弗嗟歎鄉黨謂失一善人 朝廷謂失一正人字內被公教澤者至設位而哭嗚呼

榮且哀矣丁卯秋嗣君昆弟將葬考妣於吉壤擇有日以狀來乞
志墓德潛公之老門生也感知最深不敢辭公諱廷璠字寶臣號
葑齋姓張氏先世自豫章遷桐代有鉅人曾祖文學恂所公祖明
經拙庵公以文端公貴累 贈光祿大夫曾祖妣祖妣 贈一品
夫人考龍眠公諱英文華殷大學士諡文端妣姚氏 封一品夫
人累 贈一品太夫人文端公子六人長少詹事諱廷瓚次太保
大學士伯名廷玉公行居三 贈翰林院庶吉士諱廷璫內閣學
士致仕名廷璩明經諱廷璫皆公弟也公少力學弱冠名著大江
南北閒然恂恂謙抑出入里門常徒步遇路人高年者必讓道人
忘其爲貴公子也康熙壬午中南閩副車癸巳舉於鄉戊戌成進

士殿試以第二人入詞館年四十有四矣雍正癸卯春典福建
試授宮允侍講幄遷侍講學士秋分校禮闈視學河南甲辰以
諸生累去官未幾授侍講乙巳掌成均轉少詹事丁未春二月典
武闈試三月分校禮闈旋充殿試讀卷官秋陟詹事己酉視學江
蘇前後凡九載九載中典壬子浙江試晉禮部右侍郎轉左侍郎
仍督學政既之春官兩知貢舉己未典武會試辛酉典江西試迄
告歸居官其二十有六年官翰林大制作每出公手校文取士理
必宗宋五子法必宗漢唐宋諸家以經術勝者爲上故鄉會所得
士多儲國家有用材官成均端本樹範抑奔競崇端方曰學者當
以仁誼禮樂爲本一時士風蒸蒸日上而公之教育如人人肝脾

而弗能釋者尤在江蘇視學時公之任江蘇也念八郡三州爲人文淵藪期與多士共敦上理而品行不立講張作奸者亦時有公揭姓名於通衢俾知屏足斂息每試日坐堂皇終日無倦手定甲乙反覆慎重惟恐偶爾疏忽失士子摩練苦心故每一榜發眾心帖服被屏黜者亦感媿奮勵遇廣文及諸生有文行者獎諭勸導之如坐春風化雨中計歲科試六周末嘗輕辱一士然而士之廉恥自生品節自立不徒弊絕風清已也公去任久猶尸祀俎豆雖小夫婦豎能道張公姓氏迄今數江蘇學政必以公爲清德和風之冠云在禮部承 命纂修禮書明制度定儀則歸於至當屬蹕東巡敬愼陪祀克襄盛典此公生平莅官之誠事 君之忠之

大節也公少侍文端公京師伺顏色日夕無違文端公歸田公偕諸弟日撰杖扶輿侍兩大人側極孺子慕既兩大人相繼薨逝公號呼欲絕至不忍聞天恩祭奠銜哀致恪遠近觀禮中年抱鵠原痛哀逾常情既老與太保閣學兩公聚首愛敬彌篤猶推梨讓棗時也偕配姚夫人鴻案相莊五十六年如一日事師長心喪三年交友皆正人接後生揖讓盡禮終身無失言失色熟知公者謂於人倫日用間求一端缺失不可得也爲學原本經史制義宗震川古文師廬陵詩學古體橫空硬語師昌黎近體出入大庾十子應制得唐初陳杜沈宋格刻有詠花軒制義詠花軒詩集公生於康熙十四年乙卯五月二十七日薨於乾隆十年乙丑八月二十

二日年七十有一 誥封夫人姚夫人辛丑進士小山公女端淑
孝謹相宗伯公敬順無違既貴不易疏布婚嫁子女經理中節不
關公心公致政歸並扶鳩杖往來閒園享林泉之樂而忽焉徂謝
宜公手草行實謂失一閨中老友不勝愴恨也卒年七十有三子
二人長若震雍正癸卯舉人官浙江布政使以母末疾乞養歸次
若需乾隆丁巳進士翰林院編修乞養侍公南歸今並在籍孫六
人曾肇曾牧曾敝曾斂曾敷曾孫一人元表女一人適姚孔
鐫孫女三人曾孫女二人墓在桐城縣北鄉兩山之原下窆爲乾
隆十二年丁卯九月十有九日公督學江蘇時德潛爲諸生四試
並冠曹偶試古學冠兩郡薦博學鴻詞於 朝每見侃侃溫溫告

以禔躬行己之道略分位如師弟朋舊後追隨 朝右步趨履舄
時接嘉言正論奉爲儀型睽隔未久遽成古人此蘇子瞻所云上
爲天下慟下以哭其私者也銘曰

龍眠之張世忠貞 三朝舊臣位春卿後進楷模惟老成薰公德
者和且平爲國剖璞羅瓊瑛歸來擬築三休亭白首佩黻如賓朋
人偕往矣風常清選卜幽宅逢佳城其歸其藏後頻興

右墓誌銘沈德潛撰

公諱廷璐字寶臣號葑齋先世自江西遷桐城明隆慶戊辰進士
官陝西左參政載明史循吏傳諱淳者公高祖也曾祖某祖某三
世俱以太傳文端公及公仲兄今少保貴 贈如官階文端子六

人公於次爲三康熙戊戌以一甲第二人進士及第 聖祖仁皇帝臨軒臚傳知公名諭今少保曰汝兄弟不媿家風矣 嘉歎久之授編修辛丑旣散館 特命教習是科進士 世宗憲皇帝繼承大統召直南書房授額外中允雍正元年典試福建遷右春坊右中允旋充日講官知起居注擢侍講學士九月充會試同考官卽闈中拜督學河南之 命莅河南逾年試開封而封邱令督諸生供潁河之役諸生向不任役卽走控上官不卽理相約罷試公檄開歸副使集諸生戒約諸生聞公命咸已帖帖就試惟謹而大吏已飛章以諸生梗命入告獄具而公與副使俱以姑息去職公方將伏 闕謝罪詣京師未至授侍講冬奉 命授皇八子懷親

王書尋晉國子監祭酒轉詹事府少詹事署祭酒事五年充會試
同考官並殿試讀卷官升詹事府詹事七年提督江蘇學政壬子
試周將告蒞事 特命典試浙江是年以學臣主試事惟公與交
河王閣學蘭生事竣復畱任督學旋晉禮部侍郎轉左侍郎 今
天子卽位知公學行訓士校文著有成績可信仍以原官畱公在
江蘇凡九載乾隆五年至京以疾具疏乞休不許八年典試江西
九年 天子奉 皇太后東巡恭謁 祖陵發京師取道熱河經
蒙古諸部落展謁 三陵大禮慶成公以禮官陪侍從往還數千
里旋京以年衰不任事再疏乞休又不許十年京察又瀝陳衰病
狀乞罷以例舉內閣學士李清植以代 上察其誠懇乃順求請

報曰可公以是年四月南歸九月疾篤告薨里第十二年九月十九日葬於東北鄉兩山之原公純懿惇大居常無矯亢之行而所守堅正嶽不可動其接物意誠以愉表裏洞如也仕登卿貳年屆七十於人世可謂貴壽而士大夫猶以公未及台揆年遠耄期爲憾則公之德量感於人者其有涯也夫人姚氏德安令文燕之女淑德壹行具於家乘先公三月卒年七十二遂以年月日祔公之兆次子二人若震癸卯舉人浙江布政使若需丁巳進士翰林院編修俱以公與夫人耆老乞侍於家女子一適貢生姚孔鐸孫男六人某某曾孫某系曰

公於文學天植其性蘭陔瑤圃寢饋典訓謝墅怡顏九齡裁詠公

之通籍未爲晚達夷考公門第年公屈一人臨軒慶追先閼
憲皇御宇何橐內廷直廬視草春澍夏霆無言溫樹筆參瀨冥
鑒裁棘闌敷化首善行先三物學必九貫日者圭璋當時髦彥三
江震澤沄沄魂魂公之教澤與相吐吞公在容臺考經志典原本
前修爛焉編簡公如虛谷道裕黃中本以御物既介而通夫人珮
環輝章黻舄我不盡辭庶藏幽宅

右墓銘姚範撰

張廷璐字寶臣一字葍齋以進士第二人官至禮部侍郎著有詠
花軒詩夫心躁者多志微唯殺之音心平者多順成和動之音言
爲心聲不可強也葍齋公不干進不務華以介自矢以誠感人視

學江蘇九年如和風著物萬類萌動既久士林猶歌頌之宜發言
爲詩比於水之滌洞春之和盎讀者心醉氣夷而不自知也

右 國朝詩別裁集小傳沈德潛撰

桐城張侍郎廷璐爲翰林時督學河南以約束生員不嚴罷斥
世宗皇帝鑒其誠樸 特旨起之廢籍復畀以江蘇學政之任三
年報滿有公明之譽奉 諭再畱三年 高宗卽位又畱三年閏
二年江蘇又缺員 上仍命之往侍郎懇辭乃改 命其弟廷瑑
兄弟二人四任此官前所未有

右紀聞陳康祺撰

張廷瑑